

## 諭旨

上諭周馥奏考核屬員分別舉劾一摺青州府知府曹允源諸城縣知縣莊洪烈曹縣知縣李光華鄒縣知縣宋朝楨在平縣知縣豫咸蓬萊縣知縣李于鏞准補長山縣知縣余則濬費縣平邑集巡檢試用典史梁鯤均著傳旨嘉獎黃縣知縣康鴻達聽斷不明捕務廢弛沾化縣知縣丁熙庸弱無能難膺民社卽墨縣知縣李恒賢因循疲玩操守平常禹城縣知縣許源清縱容書差不卹民隱臨朐縣知縣恒豫公事廢弛操守難信前署昌邛縣知縣候補知縣王家驥相驗草率遇事敷衍試用同知張榮實招搖撞騙來歷不明試用府經歷王以濟借端訛索掖縣縣丞孔昭震貪污狡詐候補府經歷張士清拖欠累民抗傳不到青州府訓導于蓮品學有虧蓬萊縣教諭田方嶠聲名甚劣卽墨縣掾才島巡檢劉潤行止不謹前署濰縣典史試用巡檢倪鎬假公訛索平陽縣典史劉實鑛辦事乖方均著卽行革職安邱縣知縣柳思誠登州府經歷周廷勳濮州州判蘇暹武定府教授劉錫萊臨青州學正孫士林費縣教諭劉寶鼎昌樂縣教諭史延祐萊陽縣教諭趙思沅單縣訓導鄭振趾招遠縣訓導彭福源濱州訓導傅桂森甯海州吏目于潤朝城縣典史李培之沾化縣典史王寶人均

屬年力就衰均著勒令休致登州府同知吉慶才欠識拘難膺煩劇汶上縣知縣錫元始勤終怠緝捕不力博興縣知縣梁錫祐聽疎忽馭下太寬齊河縣知縣王敬勳頗有才具性近疎懶陽信縣知縣譚士綬捕務懈弛人地不宜均著開缺另補餘著照所議辦理欽此

上諭雲南提督著夏辛酉補授暫緩赴任欽此 正月十二日

上諭山東登州鎮總兵員缺著李安堂調補吳鳳嶺著補授直隸通永鎮總兵欽此 十三日

上諭吉林將軍著富順暫行署理迅速赴任欽此 上諭吉林將軍長順忠勇樸誠勳勞懋著由侍衛隨同都興阿穆圖善轉戰陝西甘肅克復金積堡等處迭著戰功歷授烏里雅蘇台參贊大臣哈密辦理大臣烏里雅蘇台將軍在乾清門行走並管理神機營事務兩任吉林將軍治軍撫民辦理交涉諸臻妥協前因患病賞假調理旋以時事艱難力疾銷假方冀醫治就痊長資倚畀遽聞溘逝軫惜殊深長順著追贈太子少保銜賞給一等輕車都尉世職加恩予諡入祀京師賢良祠照將軍例賜卹生平戰功政績宣付國史館立傳任內一切處分悉予開復應得卹典該衙門察例具奏靈柩回旗時沿途地方官妥爲照料賞銀一千兩准其入城治喪伊孫一品廕生榮源著以郎中用用示篤念盡臣至意欽此 十四日

上諭林紹年奏分別舉劾屬員一摺雲南麗江府知府李盛卿署思茅同知試用知府謝宇

俊署永北同知緬甯通判江蘊琛署個舊同知試用知縣雷元澍署昆明縣知縣順甯縣知縣桂福均著傳旨嘉獎廣通縣知縣孫延吉押斃多命民怨日滋試用知縣梁正麟貌似有才巧于漁利試用知縣沈承鈺藉端婪索罔恤民艱候補知縣蔡桐珍狡滑任性聲名平常羅平州學正朱章品欠純正會澤縣訓導宋培厚物議沸騰署普洱州判崔紹望藉團苛派廣西州吏目陶榮森聲名惡劣施甸巡檢劉濟清貪鄙不堪分缺先典史周鳳蓀不顧行檢均著即行革職甯良縣知縣徐樾才具過庸事權旁落南甯縣知縣魏鴻燾報驗捏飾甚欠振作均著以府經歷縣丞降補署南安州知州鄧州知州張傑精神委靡信用官親易門縣知縣郭顯球才識短欠吏胥攬權署呈貢縣知縣祿勸縣知縣李紹閱過于寬厚聽斷欠長惟文理尙優均著以教職歸部選用署劍川州學正金楚澤雙目失明著以原品休致餘著照所議辦理欽此 上諭丁振鐸奏藩司意見偏執聲名平常據實密陳一摺雲南布政司李紹芬縱容丁役需索門包于各屬領解款項加添火耗尅扣入己上年周雲祥竄擾臨安一案該藩司橫生異議幾至僨事似此貪婪執性殊屬辜恩溺職李紹芬著即行革職以示懲儆欽此 十七日

上諭雲南布政使著劉春霖補授袁開第著補授雲南按察使欽此 上諭貴州貴東道員

諭旨

二十二

二月

缺著雲南迤西道松堦調補欽此 十八日

上諭二月初五日祭 朝日壇朕親詣行禮欽此 上諭二月初九日祭 社稷壇朕親詣

行禮欽此 上諭二月十六日祭 關帝廟朕親詣行禮欽此 上諭二月十八日祭 文

昌廟朕親詣行禮欽此 上諭雲南迤西道員缺著關以鏞補授欽此 十九日

上諭丁振鐸等奏特參總兵玩寇殃民嫉功冒餉請從嚴懲辦一摺雲南普洱鎮總兵高得

元抄辦鎮邊廳猓匪調度乖方挾私玩縱以致軍士怨憤匪勢猖獗隕失良將附近居民慘

遭焚殺百十人並有擄獲民寨賊營牲畜焚索投誠禮物情事種種不法經該督等委查猶

復飾詞狡展欺罔貪汙實堪痛恨所請革職發往軍臺不足蔽辜高得元著即行正法以昭

炯戒丁振鐸林紹年著交部查議欽此 上諭廣信府知府員缺著何汝翰補授欽此 上

諭前據陝西學政沈衛奏參道員郭人漳苛派慘殺各款當經諭令崧蕃確查具奏茲據查

明覆奏陝西候補道郭人漳年少僨事恃才擅專委辦要案並不會同地方文武妥辦竟敢

重刑誅戮勒罰鉅款致多冤抑桐坪廳通判鐵牲罔恤民艱顛倒是非曲爲迎合著一併革

職餘著照所議辦理欽此 上諭周馥奏山東利津縣境北岸王莊等處潮汎暴漲大隄沖

漫一摺本年正月初間天氣驟暖上遊冰塊挾流而下利津縣迤下冰塊擁擠河中水勢擡

高漫過王莊等處大隄沖決成口因淹五十餘莊所有防護不力之下遊總辦道員朱式泉提調試用知府高令喆尤吉王得坪均著摘去頂戴周馥督辦無方著交部議處仍責令趕緊堵合毋得再有疎虞所有被災地方著卽妥籌賑撫毋任失所欽此 上諭徐會禮沈瑜慶奏分別舉劾屬員一摺順天密雲縣知縣候補知縣陳雄藩署香河縣知縣唐玉書均著傳旨嘉獎東安縣知縣常瑾芳任用蠹役毫無覺察古北口巡檢陸光祖於飢民聚衆索糧稟報張皇積成重案平古縣典史劉樹杰票傳苛派稟控有案著一併革職署三河縣知縣何承謨緝捕廢弛地方受累著暫行革職留任勒限獲犯餘著照所議辦理欽此 二十日

旨景麟淮泉穆精額唐古色烏押喜春載鍵亨亮都林著加恩均挑在乾清門侍衛欽此 二十一日

上諭本科會試知貢舉著熙瑛去欽此 上諭二月二十六日祭先農壇朕親詣行禮欽此 二十四日

上諭國子監祭酒著景璠署理欽此 二十八日

旨右翼前鋒統領著兜欽補授欽此 旨正紅旗護軍統領著達賚補授欽此 旨正紅旗滿洲副都統著增崇調補所遺正黃旗漢軍副都統著卓凌阿補授欽此 旨著派色楞額

諭旨

二十四

二月

管理嚮導處事務欽此二十九日

上諭本年朝審秋審人犯著停止勾決欽此

上諭上駟院卿著良泰補授欽此三十日

旨翰林院侍讀著李士鈞調補張建勳著補授翰外院侍講欽此

旨大理寺少卿著李擢

英補授欽此二月初二日

上諭貝勒載洵之第一子著命名溥健欽此

旨此次會試遺裕德為正考官張百熙陸潤

庠戴鴻慈為副考官欽此

旨這同考官著吳蔭培閻志廉蔡金台王會釐劉廷琛趙啓霖

關冕鈞蕭榮爵翼心釗李稷勳孟錫珏何作猷袁勵準王蘭庭姚舒密劉元弼傅蘭泰趙從

蕃去欽此 旨內簾監試著忠廉王振聲去欽此

上諭錫良奏特參庸劣不職各員分別

懲處一摺四川試用知縣李瑞麟藉案誣良濫刑任性試用典史胡書年留難需索擅責橫

求均著革職永不敘用試用鹽大使屠義由品行卑鄙素有劣聲西昌縣縣丞李毓棻經管

倉穀物議沸騰冕山縣縣丞程元杰罔顧官箴迹近徇科石橋鋪縣丞沈銑縱容丁役索詐

病民忠州吏目沈靖巧滑近利輿情不洽阿所拉巡檢白燠齡膽大糊塗幾釀重案試用巡

檢李樸真遇事生風不知檢束補用典史楊燠棻舞弊營私巧於掩飾試用典史黃濤辦釐

玩愒未能核實均著即行革職興文縣知縣許鈞鴻疲玩因循事多廢弛鹽源縣知縣崇禮

少年寡識措置乖方均著以府經歷縣丞歸部銓選琪縣知縣劉濟清嗜好甚深難期振作  
著勒令休致雅安縣知縣唐枝中御下不嚴聲名甚劣試用知縣司馬瀚輕率粗疏難膺民  
社惟文理尙優均著以教職銓選南溪縣知縣滕含英性情疏慵捕務不力著開缺另補另  
片奏考查營員等語保安營都司李占春朦領餉銀糊塗荒謬著卽行革職川北鎮中營遊  
擊馬應喜年力就衰營伍廢弛著勒令休致重慶鎮右營都司楊聯陞中營守備李正實才  
具竭蹶人地未宜均著開缺另補餘著照所議辦理該部知道欽此 初六日

諭旨

二十五

甲辰